


Ngoenz ndeu lajbyonghngoenz, gou youq gyanghongh caeuq gyoengq baengzyoux guh “goemqndoj”. Gou ndoj youq baihlaeng gofaex hung, maeuq roengzdaeuq ngaeu nye faex daih sing hemq: “Vaiq gvaqdaeuq ha, vaiq gvaqdaeuq ha, gou youq gizneix ne.” Siujginz dingqnyi le couh coemj gvaqdaeuq, gou lienzmuengz buetdeuz. Hoeng, ngamq ndwn hwnjdaeuq, najaek couh ngaiz nyefaex ngaeu lo, gou cungj mbouj rox baez ndwn hwnjdaeuq, “cat” sing ndeu, geu buh gou ngaiz nyefaex ngaeu ndaek congh hung lo. Diuz buh neix dwg daxboh ngamq bae gai Vujmingz cawx hawj gou, baenzlawz ndei ne?

Gou baez yamq baez yamq byaij ma ranz, ma daengz ranz, gou lau daxmeh swenj, couh dawz diuz buh duet roengzdaeuq, yo haeuq ndaw loengx bae. Danghnaeuz mbouj yo hwnjdaeuq, couh lumj baezgonq ityiengh ngaiz swenj donq ndeu.

Daengz banhaemh, daxmeh



武鸣县仙湖镇中桥小学六(1)班 黄慧娴

mbouj youq ranz, gou gwn haeux sat, sawqmwh dingqnyi daxbuz naeuz: “Yi, neix mbouj dwg diuz buh dah’ iq ma? Baenzlawz vaih lo?” Gou baez dingq couh byaij haeuq bae doiq daxbuz naeuz: “Daxbuz, diuz buh neix dwg ngoenzneix gou guhcaemz seiz dwk vaih, daxmeh mbouj youq ranz couh mbouj daenj lo.” Daxbuz dingq le, yawjyawj diuzbuh ndaw fwngz, naeuz: “Yienghneix baenzlawz ndaej ne, diuz buh neix dwg daxboh mwngz ngamq cawx ma ndaej geij ngoenz, danghnaeuz vut bae mbouj daenj lo, caen hojsik ha, gou lij iq seiz, lienz diuz buh ndei cungj mboujmiz, caeuq seizneix doxbeij caen dwg ca lumj mbwn caeuq namh ha. Yienznaeuz seizneix swnghhoz ndei lo, hoeng cungj mbouj ndaej lumz gij gunnanz gaxgonq ha!”

Gou dingq le, ngaem gyaeuq roengzdaeuq naeuz:

“Yienghneix ngoenzcog gou cihgeij fong ndei.” Daxbuz laxlax gyaeuq gou, riu naeuz: “Mwngz caengz fong gvaq, baenzlawz fong ha? Lij dwg gou fong ba.”

Naeuz guh couh guh, daxbuz couh daiq hwnj laujvahging, dawz cim hwnjdaeuq. Cijraen de gaem fagcim iq, dawz diuz buh giz vaih haenx baeb ndei, yungh lwg mehfwngz fwngz swix gaem ndaet, caiq yungh cim con gvaqbae. Baez cim baez cim con, daxbuz fong ndaej yienghaenx nyinhcaen, yienghaenx yinz. Mbouj gvaq geij nanz, gou ninzndaek lo.

Mbouj rox seizlawz, gou singi gvaqdaeuq, cengq hai da, raen daxbuz lij saeqsim fong. Gou muengh gwnz najbyak daxbuz, gij nyaeuq de lumj cax heh ityiengh, couh lumj gij roen fwn rwed rumz bongj de byaij gvaq haenx. Doq yawj doq yawj, raemxda gou doek roengzdaeuq lo, caiq hix ninz mbouj naek lo.

Daxbuz raen le, sing’ unq dwk doiq gou naeuz: “Mwngz baenzlawz hwnqdaeuq lo? Vaiq ninz gaej ngaiz nit lo.” Gou yawjraen, fajfwngz daxbuz deng nit dwk hoengzfwgfwg, cehda hix hoengz lo, gou yawj diuzbuh mbat

ndeu, raen daxbuz youq gwnzde seuq dujva hoengz iq he, duj vahoengz iq gwnzde lij miz aen daengngoenz hoengzndongq he, o! Aen daengngoenz haenx geijlai lumj daxbuz ha, gou couh lumj dujva hoengz haenx, youq laj raeujrub daengngoenz majhung. Gou yawj fajfwngz daxbuz nitgyaengj dungcoz menh haenx, caiq hix nyaenx mbouj ndaej lo, coemj daengz ndaw rungj daxbuz bae, raemxda lumj diuz sienq ityiengh doek roengzdaeuq, gou itmienh daej itmienh doiq daxbuz naeu: “Daxbuz, mwngz……mwngz bae ninz ba, gyanghwnz lo.” Daxbuz umj gou ndaetndaet, naeuz: “Lij miz geij cim couh fong ndaej lo, mwngz sien ninz ba, gaej siengj daiq lai, ngoenzcog lij aeu bae hagdangz ne.” Gangj sat, daxbuz dawz gou umj hwnj congz, dawz denz hoemq ndei hawj gou, lij daengq gou naeuz: “Dahlan gvai gou, gaej siengj lo, vaiq ninz lo.” Gangj le daxbuz youh naengh youq gwnz daengq nyinhcaen fong hwnjdaeuq. Gou youq gwnzcong z cijraen daxbuz yaep ndeu nunu da, yaep ndeu youh nunu fwngz, mbouj rox mbouj nyinh, gou youh ninzndaek lo.

Ngoenz daihngaih, gou hwnq cong z seiz, raen haemhlwenz daxbuz fong geu buh haenx venj youq gyaeuq cong z gou, gou sijsaeq yawj diuz buh, aen daengngoenz hoengzndongq caeuq duj va hoengz iq gwnz buh yienj ndaej daegbied gyaunde, caen yawj mbouj ok dwg fong gvaq, gou sikhaek daenj hwnjdaeuq, aemq daehsaw bae hagdangz.

A! Daxbuz, mwngz hawj gou naed ceh mbaet gwn mbaet yungh haenx, gou gaenq dawz de ndaem youq ndaw sim, de cingq fatngaz, did rag……

(指导老师: 潘艳英)

Gobug Ndaw Hagdangz

校园里的柚子树

德保县隆桑中心校四年级 黎彩霞

Youq ndaw hagdangz dou miz go bug youh hung youh sang ndeu.

Seizcin, gobug did mbaw heu oi q caeuq va henjhaeux homrwgrwg. Ndit ndonj gvaq geh nye mbaw mwncupcup de ciuq roengzdaeuq raeujrubrub. Dou ndaej youq laj de guh’ angq.

Seizhah, nditndat lo, dou hwnj dangz diyzuz seiz, lauxsae anbaiz hawj dou youq laj gobug hozdung, rumz ci daeuq liengzsisi, sawj vunz saenzcing heiqsangj. Gij mbaw gobug seizneix youh na youh heu, ndaej bang dou cw ndit dangj raemh, hawj vunz simgyaech.

Seizcou, gwnz gobug giet miz haujlai makbug youh hung youh luenz, vunz daj baihlaj byaij gvaq, cungj siengj mbaet aeu aen ndeu roengzdaeuq buq gwn. Miz bi ndeu hai lenzvanhvei, hagdangz dawz makbug cienzbouh sou roengzdaeuq, faen hawj dou cimz, gou faen ndaej geij dip, noh youh lai youh diemz, cib faen ndeigwn.

Seizdoeng, gij mbaw gobug

heuloeg haenx miz di henj lo, mbaw hix noix lo, de hawj gou gamjdaengz mizdi siliengz.

Gobug, mwngz buenx dou byaij gvaq sei qgeiq. Hawj dou youq laj mwngz guh’ angq, ndoj raemh, hawj dou cimzgwn gij mak vandiemz mwngz.

Gou gyaech mwngz, gobug ndaw hagdangz. (指导老师: 黎才新)



Yawj《Boux Ndeu Cungj Mbouj Ndae Noix》Miz Gamjsiengj

《一个都不能少》观后感

上林县大丰镇皇周小学三年级一班 李文卫

Ngoenzneix raeuz bae denyingj-yen yawj ciengz denyingj heuh 《Boux Ndeu Cungj Mbouj Ndae Noix》.

Ndawde gangj Suijenz Yang Suijenz Siujyoz Gauh lauxsae, daxmeh de baenzbingh lo, de baema yawj meh, yienghneix couh cingj Vei Minjih dahniq ngamq ndaej 12 bi haenx guh daigo lauxsae. Gauh lauxsae yaek lizhai seiz daengq ndaw ban doengzhag naeuz boux ndeu cungj mbouj ndaej noix. Hoeng mbouj nanz, Cangh Veigoh aenvih ndaw ranz gungz bae ndaw singz guh hong. Vei lauxsae couh bae ndaw singz ra Cangh Veigoh. Doeklaeng youq densidaiz daizcangj bangcoh lajde, dauq raraen Cangh Veigoh.

Suijenz Siujyoz gyausiz gig vaih, vwnzgi youh noix, hagseng ndaw ranz gig gungz. Hoeng mbouj guenj gyausiz baenzlawz vaih, vwnzgi baenzlawz noix, ndaw ranz baenzlawz gungz, gyoengqde lij genheiz hagsib. Raeuz seizneix vanzging mboujrox beij



gyoengqde ndei geijlai boix, ndigah raeuz wnggai engqgya roengzrengz doegsaw.

Ndaw ben Vei lauxsae doiq hagseng gig ndei, Vangz lauxsae raeuz doiq raeuz hix ndei. Lauxsae maqmuengh raeuz majhung le miz vwnzva, seizseiz nyaengq dwk fungi raeuz. Doengzhag baenzbingh le, lauxsae bae yawj doengzhag, bouj go hawj doengzhag. Lauxsae baenzneix gvansim raeuz, gyaech raeuz, raeuz aeu cingzcik ndei daeu bauqdap lauxsae cij baenz. (指导老师: 黄长松)